



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann A

**04.12.2022 - 11.12.2022 - Secunda domënia
d'Advënt**

n. 2

Le debojügn da dé ota

📖 **Is 11, 1–10 | Rom 15, 4–9 | Mt 3, 1–12**

Dal Vangele do San Mateo:

¹En chi dis é lovè sö Jan Batista y pordicâ tl desert dla Iudea: ²Dede ota! Deache le rëgn dl cil é daimprò. ³Ël é chël, de chël che le profet Isaia à dit: Na usc scraia tl desert: Arjignedi ca le tru al Signur, avaliedi les strades. ⁴Jan â indos n guant de polan de camel y n ciol de coran incër sü üfs. Saioc y mil salvaria ê süa spëisa. ⁵La jënt de Ierusalem, de döta la Iudea y de döt le raiun dl Iórdann jô fora da d'ël; ⁶ai confessâ sü picia y se lasciâ batié da d'ël tl Iórdann. ⁷Canche Jan odô che tröc farisês y saduzês gnô al bato, ti àl dit: Os cuada de bisches, chë ves à pa insigné, ch'i podëis ti sciampè al iudize che vëgn? ⁸Portede früc che demostra osta converjiun ⁹y no minede de podëi dî: I ùn pö Àbraham por pere. I ves diji: Dî po fà fora de chëstes peres mituns de Àbraham. ¹⁰La manara é bele metüda pormez ala raîsc di lëgn. Vigni lëgn che ne porta nia de bugn früc vëgn taié jö y sciuré te füch. ¹¹Iö ves batiëii mâ cun ega sciöche sëgn de converjiun, mo chël, che gnarà do mè, é plü gaiert co iö, y iö ne sun nia dëgn de ti despié i cialzà. Ël ves batiarà cun le Spirit Sant y cun füch. ¹²Al tëgn bele la vëntora tla man y al cernarà les zëmes dal formënt y abinarà ite le formënt te süa majun, les zëmes indere burjaral te n füch che ne se destöda mai.



Antifona

Le Signur gnarà a salvè le monn. Popul de Dî, arjignete!
Ascuta süa usc, y to cör sarà contënt. (cfr. Isaia 30, 19.30)

📖 **Letöres dla Terza domënia d'Advënt "Gaudete":**
Is 35, 1–6a.10 | Iaco 5, 7–10 | Mt 11, 2–11

Edema liturgica dai 04.12. ai 11.12.2022

2022	Ora	Mëssa
Secunda domënia d'Advënt 04.12.2022 <i>Barbara - beat Johannes Nepomuk von Tschiderer - beat Adolph Kolping</i>	8.15	Zelebrazium dla parora de Dî <i>Corona</i> <i>6.30 S.Mëssa a La Plí 8.15 S.Mëssa a Rina 10.00 S.Mëssa a Al Plan</i>
LÖNESC - 05.12.2022		<i>19.30 - S.M. a La Plí</i>
MERTESC - 06.12.2022 <i>Mocherá, Klaus</i>	7.30	S. Mëssa di scolari ad intenziun +Bia Pallestrong
MERCUI - 07.12.2022 <i>Ambrosius</i>		---
JÖBIA - 08.12.2022 GRAN FESTA DE SANTA MARIA IMACOLADA	9.30 10.00	<i>Corona</i> Rorate - Cor de dljia, Uniun Ères y Èi familia Pire Unterweger families de Bino Erlacher <i>8.15 S.Mëssa a Rina 14.00 S.Mëssa + Öspi a La Pli</i>
VËNDRES - 09.12.2022		<i>7.30 - S.Mëssa a Al Plan</i>
SABEDA - 10.12.2022 <i>Maria da Loreto</i>		<i>7.30 - S.Mëssa a La Plí 18.00 S.Mëssa prefestiva a Al Plan</i>
Terza domënia d'Advënt "Gaudete" - 11.12.2022 "Adventopfer"	9.30 10.00	<i>Corona</i> Rorate - Uniun di senioren da San Martin y Antermëia - Uniun di jogn aniversar ++ Celestina y Paul Frenner ++ Iarone y Jule Agreiter + Teresa Ferdigg <i>6.30 S.Mëssa a La Pli 10.00 S.Mëssa a Al Plan 15.00 S.Mëssa a Rina</i>

Mësses a San Martin:

Dom 9.30 Dedol 19.00 Jöb 9.30 Sab 19.30 Dom 9.30



Informaziuns y terminns

La **comuniun** vëgn partida fora sön dessura ma dales gran festes, les atres domënies é la jënt inviada da gni jö ala comuniun!

L'Uniun di Seniores da San Martin de Tor y d'Antermëia organisëia le **rorate por i seniores cun marëna** en domënia ai 11 de dezëmber 2022 a Antermëia. I se incuntun dales 9.15 te plaza da San Martin por ji sö a Antermëia, olache al sará le rorate dales 10.00. I jarun a marëna tl Hotel Fontanella, le cost a porsona sarà de 20,00 Euro. Preibel prenotesse pro Alfred Ploner al 333 3654 786, ince por fá fora sce ëis debojëgn dl transport. Gnide tröc a passé n per de ores tla bela atmosfera dl Advënt.

Le Museum Ladin Ciastel de Tor organisëia fora por le Advënt chëstes manifestaziuns:

- **mercui 7.12.2022: Bercstot da lauré cun le lëgn y da depënje**, tl salamënt dla mostra dl Museum Ladin Ciastel de Tor, dales 14:00 cina les 16:00 debann – por mitans y mituns dla scolina y elementara
- **sabeda 10.12.2022: Sté adöm tla curt dl museum cun musiga da Nadé** y val' de bun da se scialdé tla curt dl Museum Ladin Ciastel de Tor, dales 16:00 ales 18:00 debann – por düc - te chësta ocasiun pon vijité le museum debann

Comun – I ofizi de Comun restará stluc en vëndres, ai 9 de dezëmber 2022.




Orars dl bus y dla ferata nüs dai 11 de dezëmber inant - Deplü coliamënc dles corieres da doman, da sëra y ince tratan le fin dl'edema y de mius coliamënc en general te tröpes localités: chëstes les novités plü importantes dl'orar nü por l'ann 2023 che jará en forza ai 11 de dezëmber y che en chësc ann, por le terzo iade, é gnü metü jö cun la partezipaziun ativa di zitadins. La linia 460 Bornech – Val Badia zircolëia da sëgn inant vigni mes'ora dal lönesc al vëndres y ince da sëra passa la coriera en pü' plü dí. Preodüs é ince iadi implü da doman anter S.Martin de Tor y Calfosch, insciö ince da sëra anter Calfosch y San Martin de Tor. Pián ia dala staziun de Bornech, passa ince la linia 460 fora por le zënter de Bornech. Düc i orars tres da tó ca è sön la app südtirolmobil. Tres l'aplicaziun südtirolmobil y la plata internet www.suedtirolmobil.info á i passajiers dötes les informaziuns y i orars ajorná tres dan man te na manira scëmpla y debann.

Conzërt d'Advënt en jöbia, ai 08.12.2022 a **La Val** te dlijia – al cianta y sona: Cor dles Ères Raiëta – Frisch G'Strichn – Volksbrass – Cuartet Vocant - Erpa

“Signur, nosc Dî, te tüa grazia aste chirì fora la viria Maria y te l’as stravardada da vigni picé. Te süa festa zelebrunse le sacrificze che tol demez dotes les colpes dla jënt. Delibrëesse, por süa interzesciun, dal travai dl mal, ch’i podunse inçe nos gnì dan da tè, sané y zënza mačia.”



De **San Micorá (Nikolaus von Myra)** éi deplü stories de miracui y bunas operes. La plü conosciöda é bëgn chëra olache al ti á sciuré a trëi sorus dala meseria n baloche d’or porom da vider fora por les salvé dala prostituziun. Al á ince calmé sciöche Gejú na tempesta söl lech por salvé na barca, á salvé süa cité da na ciarestia y á salvé mituns secuestrá da prigo de vita.

	12/6/2022	Teo - Gabriel
	08.12.2022	Joel U. – Lisa – Denise - Alexia
	11.12.2022	Thomas - Magdalena - Joel C. - Maximilian
	11.12.2022	Giovanna Rubatscher
	11.12.2022	Carlo Piazza
	<p>Les mius aodanzes por le compliagn ti fajunse a Clara Maria (85). Döt le bun.</p>	

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it